

Pompa Ingressus
SIGISMUNDI III
ELECTI POLONIÆ, ET DES.
Sueciæ Regis, Magni Ducis
Lithuanicæ, Russiæ, Prussicæ,
Masouicæ, &c.

In metropolin Regni Polonia
CRACOVIAM.

*Accesserunt Epigrammata erudita, in arcibus
triumphalibus, singulis regibus Polonia Jagelloni-
cis ordine positis inscripta: quibus ad virtutes
maximè illustres, quæ in maioribus efful-
serunt, religiosè imitandas, Sigismundum
nepotem singuli hortantur.*



*Ex præscripto exempli Cracouia editi
Recusum à Stephano Myliandro.*

ANNO


CIC IO XXCVIII.



A summorum Principum fortuna est, ve quemadmodum ipsa celso atq; illustri loco collocata est: ita nihil in rebus quotq; ipsorum humile atq; obscurum esse possit. Non modò autem, quæ ab ipsis insigni cum laude atq; gloria fiunt, partim fama, partim literæ omnibus tradere solent: verùm quæ à populis etiam, apparatiore aliqua cum pompa, in honorem eorum constituta, apud sapientes sæpè doctrinæ alicuius, apud vulgus etiam o-minis, locum habent. In SIGISMUNDO III. Rege ea indoles, itq; ad summas quasq; virtutes impetus sunt, vt nihil nisi amplum atq; gloriosum expectari ab eo possit, aditum autem ad regnum, atq; adeò res gerendas ipsius, Cracouiensis maximè ingressus, in eoq; vniuersi populi lætitia atq; gratulatio illustrauit.

Ingressus urbem eam est V. Idus Decembris, cumq; Veliciæ oppido Salinario, vnum ab vrbe milli-are dissito, pernoctasset: quod ratio itineris ipsius postulabat; ad CASIMIRIAM: quod oppidum flumine Vistula & Magistratibus suis à Cracouia disiunctum, cum loci propinquitate, tum alijs omnibus rebus coniunctum cum ea est: primùm accessit. Iusto ante oppidum interuallo, qui è Senatu regni atq; nobilitate Cracouix erant, vniuersi ferè illi occurrerunt; eorumq; nomine omnium, Laurentius Goslicius episcopus Camenecensis disertissima oratione Polonicè concepta, Regem excepit; respondit Rex & ipse Polonica Oratione, cum expedita, tum grauitatis atq; humanitatis plena. Ab eo loco conscensis rursus equis, rectà ad oppidum perrectum est. in aditu Vistulæ arcus frondibus & auleis ornatus, infra scripto cum epigrammate positus fuit.

VIS.



V I S T V L A.

*Ille ego Sarmatiae fluminum Vistula princeps,
Regem unum venerans te Sigimunde memm.
Inviolata alijs: quantumvis tempore longo
Tentata: en subito cornua subdo tibi.*

Eadem autem ratione, quemadmodum Vistula aduentantem Regem excipere videretur, ita aliud, sub ipsa tamen arce, qua ex vrbe in arcem Rex ascenderet, quo quasi Rudaua quoq;, qui vniuersam Cracouiam fluius ambit, aduentum ei gratuletur, hoc epigramma propositum fuerat.

R V D A V I A.

*Ipsae etiam quamuis humilis Rudaua riuus
Me letum aduentu Rex fero magne tuo.
Hospite te latus: sed funere nuper acerbo
Multorum & mistus sanguine tristis eo.
Qui melius Christi pro religione tulissent
Sacra vel in Solymos iusta vel arma Scythas.*

Verum ut eò, vnde digressa est, oratio reuertatur, cum per eum, de quo supra commemoratum est, arcem, atq; oppidum Casimiriam, quodq; inter id & Cracouiam arci subiectum est suburbium Stradomianam traductus, ad portam vrbis, quæ proxima ad arcem dicit, peruenisset: ad dextram per fossas vrbis deflexit partem vt militi, qui omnis per acies instructus eum expectabat, spectandum salutandumq; se præberet;
partim

partim vt per frequentissimas vrbis regiones ingressus, seu potius urbem totam emensus, & ipse se vrbis amplissimæ spectaculo, & urbem vniuersam desideratissimo sui aspectu expleret.

Itaq; ambitu capto, in campum primò, in quo diuersas acies militum explicatas eum expectasse, ostensum est, profectus fuit. Eodem autem serè loco, ab Academia etiam atq; urbano magistratu Cracouien- si, qui cum aliquo numero equitum è ciuibus lecto prodierat, exceptus fuit; cùm Casimiriensis magistratus prærogatiua quadam vetere iam ante eum excepisset. Inde igitur per subiectum vrbi campum mediasq; acies militum: Ioanne Zamoscio, vt qui cum imperio militari esset, singulas turmas, & cohortes, ordinumq; ductores illi commendante: inuectus ad Clepardiam, quod aliud ante Cracouiam oppidum est, peruenit. In ingressu congeries armorum, ex ijs, qui nuper irruptione tentata reiecti fuerant, in modum trophæi, cùm hoc titulo, structa fuit;

*SIGISMUNDO III. electo POLOnia
& Des. Suecia Regi, quod eius auspicijs, Maxi-
milian Archiducis Austria miles, ad oppugnandam
urbem missus, victus, magnaq; cum cade
tormentisq; ademptis repulsus sit, Dux & mili-
tes, qui pro dignitate Regia & libertate patriæ ex-
cubarunt, vt de Christianis, partim etiam ciuibus
mæsti; vt verò necessitate ac vi sibi illatâ, eâ supe-
ratâ, Deo victoria auctori gratias agentes. P.P.*

A latere, maiora tormenta octo, minorumq; currus
duo, vexilla totidem, ab iisdem capta, exposita erant.
Portam, ingressumq; ipsam, arcus frondibus tapeti-
busq; & pictura ornatus, complectebatur, inq; summo
arcu effigies Stephani regis posita, qui quasi successori
de regno cederet, hæc epigrammata subscripta habebat.

REX STEPHANVS.

*Proximus en regni Stephanus possessor, & idem
Affinis, forti dat tibi scepra manu.
Sit virtute parens, qui non est sanguine. sic te
Victorem penna perpete fama feret.*

ALIVD.

*Affine in Stephano, cui nunc succedis, adempto,
Virtutes varias, quas imiteris, habes.
Non illo pietate prior, non pace, nec armis,
Non alijs maior dotibus alter erat.
Dedecus is nostra à patria deforme remouit,
Illi restituit dum Polocense solum.
Insuper adiecit multas huic strenuus arces,
Moschorum domitor per fera bella duce.
Quod si vera licet tanto de rege fateri,
Non habuit toto, viuis in orbe parem.*

Per Clepardiam rectà inde ipsam urbem inuectus
fuit; per quam ingredientem ordine aliquot arcus or-
natissimè instructi, Iagelloniorumq; vt maiorum ipsi-
us, imagines præferentes, eum exceperunt. Effigies
enim

enim eorum, cum plerisque ferè vetustate ignotæ essent, Ioannes Zamoscius Cancellarius, exercituumq; regni præfectus, ex antiquissimis quibusq; monumentis, partim etiam abditis locis eruerat. Proximè ante arcus eos, hoc epigramma constitutum fuerat; quo quasi de sequentibus maiorum suorum imaginibus Rex admoneretur.

IAGELLONES.

Quos deinceps cernes positos ex ordine Reges,

Clara Iagellonica sceptrâ tulere domus.

Omnes hi sero gratantur regna Nepoti,

Exemploq; volunt te erudisse sui.

I felix: imitare tuos. imitando tuorum,

Cunctorum vinces inlyta facta tuis.

Effigies ipsæ, seu arcus, in quibus expositæ eæ erant, hoc ordine collocati erant, ut à Sigismundo Augusto initio facto, nouissimos quosq; reges priores ostenderent: in Iagiellone, qui arcus iam ad ipsum arcis introitum pertinebat, desinerent. Verum quod & dignæ memoria sint, & antiquitatis studiosis non infucundum id futurum putemus, ipsas effigies ad viuum quantum fieri potuit, expressas, cum epigrammatibus suis, subijcere visum fuit.

SIGISMUNDVS AVGVSTVS.

Arma crepent alij, dum me Clementia, quod iam

Nomine eram, Augustum re quoq; præstiterit.

Hac & complures regnauitutus in annos

Venit & in leges Liwonis ora meas.

SIGIS-

SIGISMUNDVS I. auus.

Mi grauitas, rerumq; simul prudentia iuncta,
Patris apud Reges nomen habere dedit.
Sed tamen intacta colui sic Palladis artes.
Non quisq; ut maior me quoq; Marte foret.
Que prius assiduis nutabat Prussia bellis
A me perpetuo fœdere iuncta fuit.
Cuncti hostes autem Moscus, Dacus, Scythæ, Tur-
Senserunt enses & timuere meos. (ca,

A L I V D.

Sigmundus, vita, factis, venerandus & æuo,
Multa exempla tibi suppeditauit auus.
Cui matura graui prudentia mente sedebat,
Et pietas cordi religioq; fuit.
Aurea Sawromatis isto sub Rege fuerunt
Secula: adhuc prisca nempe vigente fide.
Non bello quam pace minor: persæpè fugabat
Exili felix agmina densa manu.
Prostrabat Moscum, Prussos, Valachosq; , Scy-
Terrori & Turcis non semel ille fuit. (thasq;

ALEXANDER REX,

Sigismundi frater.

Cum iam fata mee finirent tempora vite
Tattarus ingenti strage mihi occubuit.

Sed

*Sed tamen haud tantum mihi vel victricibus ar-
Arrogo, vel sceptri regij honore sacro: (mis
Quam quod seruam semper consulta Senatus
Atq; modum dandi publica constitui.*

IOAN. ALBERTVS REX

Sigismundi frater.

*Simeæ par captis magnis fortuna fuisse,
Non facile quisquam clarior orbe foret.
Inuida verum animos ludens fortuna viriles,
Fallere me potuit, frangere non potuit.
Pannonicis q; licet, Dacis q; repulsus ab oris,
Cæsa tamen vidi vertere terga Scytham.*

CASIMIRVS Proauus.

*Coniurata iugum postquam excussisset herile,
Quæssissetq; meam Prussia sensit open.
Meq; sua vidit pro libertate cruento
Versantem in bello bis duo lustra ferè.
Aurea Prusiace dum fingent succina Nympha
Virtutis viuet fama decusq; mea.*

B

VLA.

VLADISLAVS REX

Casimiri frater.

*Me iuuenem rapiens fulgenti Gloria curru
Regia Pannonia sceptrā gerenda dedit.
Atq; eadem Turcas audax immisit in hostes.
Mixturum forti praelia dura manu.
Hinc mihi crudelis rapuit cum Varnia vitam
Victurum haud potuit tollere morte decus.*

ALIVD.

*Hic geminas meruit regnorum ferre coronas,
Attollens fama iam super astra caput
Sæpius audaces Saracemica semina Turcas
Fudit: Et ad pacis compulit ire preces.
Sed dum nulla modum victoria querit in hoste
Pro sancta pugnans religione cadit.*

VLADISLAVS Iagiello abauus.

*Me pietas Et religio per me insita primum
Lithuanis celebrem tempus in omne ferent.
Sed tamen atroci quantum quoq; Marte valerem
Prussia Teutonico milite strata docet.*

Ex iti.

Ex itinere primùm ad D. Floriani in Clepardia de-
scendit; laudibusq; quæ ex more Deo redderentur in-
terfuit: ibidem Cardinalis Battoreus, Stephani regis
fratris filius, eum excepit. In arce ante omnia etiam
ad D. Stanislai ædem, quæ ex illius reliquijs, & fun-
datione sepulchrisq; Regum omnium, celeberrima
est, cùm descendisset, vniuersi Capituli nomine, ab
Erasmo Dembinio Decano salutatus, institutas Deo
laudes, vnâ cum alijs reddidit. Cum autem in noctem
vsq; propter agminis magnitudinem, ingressus pro-
tractus esset, tanta tamen copia luminum vbiq;
exposita fuit, vt nulla dies ea nocte illustrior
esse posse videretur: multò autem illustrio-
rem atq; celebriorem publica omnium
gratulatio, ominaq; quibus euntem re-
gem vniuersi prosequabantur, eam
redderent.

